



UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel: + 387 33 812 490, 812 491; Fax: +387 33 812 488
Matični broj: 4200174900004 • Broj računa: 3389002207928948 • UniCredit Bank Sarajevo
PDV broj: 200174900004 • Porezni broj: 01701872 • KS u Sarajevu, Broj rješenja: UF/1-2462/02
e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

1. **Šumarski fakultet Univerziteta u Sarajevu, ul. Zagrebačka 20.**,
Identifikacioni broj: 4200174900004 koga zastupa dekan, prof. dr.
Mirza Dautbašić, (u daljem tekstu: **Naručilac usluge**)
i
2. **„PRag“ d.o.o. Sarajevo, Džemala Bijedića 129/12, objekat C, ulaz
A**, Identifikacioni broj: 4201131620004, koga zastupa direktor, Almasa
Bajrić (u daljem tekstu: **Izvršilac usluge**)

zaključili su u Sarajevu dana 29.05.2018. godine

U G O V O R

Član 1.
(Predmet ugovora)

Predmet ovog ugovora je regulisanje prava i obaveza ugovornih strana u vezi sa izvršenjem usluge – **Usluge organizacije izložbi, sajmova i kongresa (organizacija međunarodnog simpozija)**, a sve u skladu sa specifikacijom iz tenderske dokumentacije i ponudom Izvršioca usluge, broj: P-1-5/18 PR od 08.05.2018. godine, zavcdena na protokol Naručioca usluge pod brojem: 01/1-1284/18 od 09.05.2018. godine, koja se daje u prilogu ovog Ugovora i čini njegov sastavni dio, te Odlukom o izboru najpovoljnijeg ponuđača broj: 01/1-1366/18 od 16.05.2018. godine.

Član 2.
(Međunarodni simpozijumi)

U skladu sa članom 1. ovog Ugovora, Izvršilac usluge se obavezuje organizirati - usluge organizacije izložbi, sajmova i kongresa (organizacija međunarodnog simpozija), koji će se **održati od 10.10. do 12.10.2018. godine**. Izvršilac usluge je dužan sa predstavnikom Naručioca usluge usaglasiti osnovni koncept te uredničku politiku (glavna tema, raspored priloga, marketinških priloga i dodatnih aktivnosti), prije samc organizacije, a zbog blagovremene autorizacije.

Član 3.
(Period zaključenja Ugovora)

Ovaj Ugovor zaključuje se na period **od 29.05.2018. godine do 31.10.2018. godine**.

Član 4.
(Cijena usluge)

Ugovorne strane su saglasne da ukupna cijena predmetne usluge iznosi **43.274,70 KM** (slovima: četrdesettrihiljadedvjestotinesedamdesetčetiti/70 KM). U navedenu cijenu nije uključen PDV, koji će se obračunati po važećoj zakonskoj stopi na dan fakturisanja.

Član 5.
(Plaćanje usluge)

Naručilac usluge se obavezuje da će plaćanje za ugovorenu uslugu izvršiti uplatom na transakcijski račun Izvršioca usluge, broj: 102 050 0000 101 945 Union Banka d.d. u roku od 15 dana po izvršenoj isporuci i kvalitativno – kvantitativnom prijemu ugovorene usluge, uz prethodno ispostavljanje faktura.

Član 6.
(Rokovi izvršenja usluge)

Izvršilac usluge se obavezuje da će uslugu iz člana 1. i 2. ovog Ugovora izvršiti, i to kako slijedi:

Jednokratno, od početka organizacije Međunarodnog simpozijuma do završetka, u skladu sa prihvaćenim izvještajem o obavljenoj usluzi.

Izvršilac usluge nema pravo da plati ugovornu kaznu i da odustane od Ugovora. Naručilac usluge u svakom slučaju ima pravo na naknadu štete.

Član 7.
(Obavze Izvršioca usluge)

Izvršilac usluge se obavezuje da će obczbijediti:

Tehnički dio, usluge prevoza, osvjećenje i hranu, brendiranje simpozijuma, izradu vizuelnog identiteta simpozijuma, promotivni materijal simpozijuma, organizaciju i realizaciju simpozijuma, medijsku promociju simpozijuma, kao i PR usluge sa medijima, a svc u skladu sa tenderskom dokumentacijom i dostavljenom ponudom broj: P-1-5/18 PR od 08.05.2018. godine, uz poštivanje uslova navedenih u ponudi.

Član 8.
(Obaveze Naručioca usluge)

Naručilac usluge se obavezuje da će:

- obavijestiti Izvršioca usluge o svim događajima bitnim za Naručioca usluge, najmanje 3 (tri) dana prije održavanja događaja i
- autorizirati aktivnosti Izvršioca usluge, i to najmanje 3 (tri) dana dana prije finaliziranja organizacije.

Član 9.
(Bankovna garancija)

Izvršilac usluge se obavezuje da će u roku od 15 (petnaest) dana od dana zaključenja ovog Ugovora, dostaviti Naručiocu usluge безусловnu bankovnu garanciju renomirane banke za dobro izvršenje ugovora, naplativu na prvi poziv, u iznosu od 10% vrijednosti ugovora, uvećanu za PDV, sa rokom važnosti od dana zaključenja ugovora do isteka ugovora + 30 (trideset) dana.

U slučaju da Izvršilac usluge ne dostavi bankarsku garanciju u roku iz prethodnog stava, Ugovor će se smatrati apsolutno ništavim.

U slučaju da Izvršilac usluge nakon što je dostavio bankarsku garanciju prekrši obaveze iz ovog Ugovora (član 7), Naručilac usluge će ga pismenim putem upozoriti na kršenje Ugovora, te mu ostaviti razuman rok za otklanjanje konstatovanih propusta.

Ukoliko Izvršilac usluge ne otkloni konstatovane propuste, Naručilac usluge će realizovati bankarsku garanciju (izvršiti protest ukupnog iznosa na koji glasi garancija) i raskinuti Ugovor.

Garancija pokriva naknadu svake štete i troškova koju može imati Naručilac usluge u slučaju da Izvršilac usluge prekrši ugovor za vrijeme njegovog trajanja +30 dana.

Ugovor se smatra raskinutim danom prijema obavijesti o raskidu.

Član 10.
(Pribavljanje dozvola za kretanje i zadržavanje)

Izvršilac usluge se obavezuje poduzeti aktivnosti na pribavljanju dozvola za nesmetan pristup svojim angažiranim radnicima, odmah po potpisivanju ugovora.

Član 11.
(Sigurnosne mjere)

Za vrijeme vršenja usluge, Izvršilac usluge je obavezan poštovati postojeće mjere sigurnosti Naručioca usluge. Izvršilac usluge je, u skladu sa odredbama Zakona o obligacionim odnosima, odgovoran za svu eventualnu štetu nastalu nepoštivanjem tih mjera, kako Naručiocu usluge tako i trećim fizičkim i pravnim licima.

Izvršilac usluge se obavezuje da će najmanje jedan dan prije pružanja usluge dostaviti Naručiocu usluge spisak osoba koje će učestvovati u njenom pružanju sa sljedećim podacima: ime i prezime, ime oca, broj lične karte i adresu prebivališta, kao i podatke o vozilu koje će se koristiti tokom pružanja usluge, kako bi mu Naručilac usluge obezbijedio nesmetano vršenje ugovorene usluge.

Član 12.
(Raskid Ugovora)

U slučaju da Izvršilac usluge ne izvrši svoje obaveze utvrdene ovim Ugovorom, Naručilac usluge ima pravo ili na sniženje cijene ili pravo na jednostrani raskid

Ugovora bez raskidnog roka, a Naručilac usluge u svakom slučaju pravo ima pravo na naknadu štete.

U slučaju da Naručilac usluge ne izvrši svoje obaveze utvrđene ovim Ugovorom, Izvršilac usluge ima pravo raskinuti isti u pisanoj formi, sa otkaznim rokom u trajanju od 30 (trideset) dana od dana prijema pisanog obavještenja o raskidu, uz prethodno pismeno upozorenje na kršćenje odredaba ovog Ugovora.

Prije prestanka Ugovora u skladu sa prethodnim stavom ovog člana, svaka ugovorna strana je obavezna da izmiri dospjele, a neizmirene obaveze nastale iz osnova ovog Ugovora.

Član 13.

(Primjena Zakona o obligacionim odnosima i nadležnost suda)

Za sva pitanja koja nisu regulisana ovim Ugovorom primjenjivaće se odredbe Zakona o obligacionim odnosima.

Eventualne nesporazume strane će nastojati rješavati dogovorom, a ukoliko to ne bude moguće, sporove će rješavati stvarno nadležni sud u Sarajevu.

Član 14.

(Ostalo)

Ovaj Ugovor se ima smatrati zaključenim danom potpisivanja od strane ovlaštenih predstavnika ugovornih strana, što se evidentira na početku ugovora kao dan njegovog zaključenja.

Ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA NARUČIOCA
ŠUMARSKI FAKULTET U SARAJEVU
DEKAN

Prof. dr. Mirza Dautbašić

Broj: 01/I-1531/18

Dana, 29.05.2018. godine

ZA IZVRŠIOCA USLUGE
„PRag“ d.o.o. SARAJEVO
DIREKTORICA

Almasa Bajrić

Broj: U-1300/18

Dana, 29.05.2018.

